



17516

I

Ma. St. Dr.

P

trus

v.

Kuszeński Sam. Casim. Elogium.  
Ep. Applausus.

PANEG. et VITAE

Polon. 4.

№ 238.



H

I

I

Sen

M. S.



# ELOGIVM

*Illustrissimo & Reuerendissimo Dño,*

D. P E T R O.  
G E M B I C K I  
E P I S C O P O C R A C :

Senatori de Ecclesia & Repub. optimè merito,  
Academiae Cancellario, Duci Seueriae  
Auspicatissimè  
Cathedram suam ingredienti.

A

M. S A M V E L E C A S I M I R O K V S Z E W I C Z

*Collega Minore, Seniore Contuber. Hierosolymitani,  
Magno affectu, ingenio licet impari.*

Inter tot faustas gratulantium apprecationes

C O N S E C R A T V M.

---

C R A C O V I A E,

In Officina Christophori Schedelij, S. R. M. Typogr.

Anno Domini, 1643.

*duplika*

*XI. 8 78. 5. 4*



In Fasciam Illustrissimi Gentilitiam.




17576 I

*Inter caelestes spectatur Circulus ignes  
 (Magni clara Iouis lumine Zona micans)  
 Circulus in terris perfectior anteit omnes  
 Et superat formas. vanus an augur ego?  
 Antistes virtute suâ super eminet vnus  
 In terris: tandem lux erit alma polo.*





# ELOGIVM.

Vod felix, faustum, fortunatumq; sit,  
Antistes Illustrissime, iam die hodi-  
ernâ sublimem illum, in florentissi-  
ma Diœcesi, ascendis honorem, qui  
pridem Tibi propter magnitudinem virtutis,  
& amplitudinem rerum à Te gestarum debe-  
batur. Agnoscit id Ecclesia, quam nutantem,  
ac de sua salute multùm sollicitam, magnis Tu-  
is laboribus & periculis sustentâsti, parum il-  
lud, etiam sustentatam lætitiâ incredibili per-  
fudisti. Fatetur Respub. pro cuius libertate ar-  
dua quæque, non modò non infractò animo,  
sed sæpius etiam confirmato, atque renouato  
non dubitâsti subire. Videt, cum vniuersa Re-  
gnatrice Domo, Serenissimus VLADISLAUS  
IV. cuius negotia, fidei Tuæ toties commissa,



vt felici exitu terminares, nullis vnquam laboribus pepercisti. Testatur Academia, quam non in spem modò, sed in rem etiam meliorem tùm adduxisti, cùm magnis in vadis laborantem, ac propè demersam illius fortunam altius extuleris, & tranquillo placidoq; cursu iam ire feceris. Hinc Ecclesia solennem huius diei festiuitatem, ad consequentem ætatem consecrabit: Respublica nullo diè memoriam Tuorum meritorum definiet: Serenissimus Rex propè diuinas virtutes Tuas fouebit: Academia annum, quo virtutibus Tuis debitum præmiũ accepisti, posteris commendabit. Narrabitur semper, quòd ad ingenium Tuum, tanquam ad exemplar virtutis, Sacrorum Administros componi volueris; ne vitij turpitudine totum Ecclesiæ corpus, tanquam peste quãdam, inficeretur. Dicitur semper, quòd neque in consilijs de Bono communi capiendis, Tuam diligentiam, neque in sententia referenda fidem, nec in perferendo labore industriam in Te Respubl. desiderauerit aliquando. Ibit ultra Balthicum ac Euxinum mare, ultra Tanaim & Bo-



& Borysihenem, admirabilis quædam, & incredibilis, ac penè diuina Tua in legibus interpretandis, in æquitate explicanda scientia. Semper Tuam Consiliorum vim, rerum illam Dominam prudentiam, in libertate tuenda curam, atque vigilantiam, Nobilissimorum Ordinum fama celebrabit. Enimuerò me quoque conuenienter facturum existimaui personæ meæ, accommodatè solenni huius diei festiuitati, non ingratè bonorum expectationi, si meritorum Tuorum amplitudinem strictim, ac modicè persequerer, Atque hodie quidem in hoc dicendi genere ita me geram, vt zelum primùm Diuini cultûs propagandi, deinde prudentiam, ac tum verò amorem charitatemque in Patriam, inconditâ ac rudi voce meâ exprimam. Quibus Tu virtutibus ita excellens, & mirabilis viuis, vt non domi modò, sed apud exteros etiam, non tacito consensu, sed apertâ omnium voce, sempiternæ memoriæ commenderis. Et quomodo, quæso, non commendetur ad consequentem ætatem ab omnibus ille, qui ex ea gente prognatus est, ex qua, viri a-



lij alijs ita non desinunt succrescere, vt vna sufficere posse & Reipub. & Ecclesiæ videatur. Iactent nunc penè insolentiùs Romani Marcello-  
rum profapiam, quæ tres vno eodemque tem-  
pore habuit Senatores: qui Romanæ libertati,  
& tranquillitati hostium spem insidiantem re-  
presserunt, & inciderunt. Glorientur Fabio-  
rum gente, quæ trecentos simul Ciues Reipu-  
blicæ dedit: qui laudis atari, mortis contem-  
ptores, animas à corporibus dimittendo, liber-  
tatem Patriæ reliquerunt. Vniuersa insuper  
Polonia nostra, Nobilissimas quasque domus  
ad posteritatem commendet; nihil in illis tam  
insigne, tam eximium, reperiri potest, quod  
nos in Illustrissima Familia GEMBICIORVM  
requireremus. Hæc est, ex qua prodijt Ma-  
gnus ille Laurentius GEMBICKI, qui ætatis suæ  
spatium virtutum magnitudine, annorum nu-  
merum meritorum amplitudine superauit, vt  
cùm nominis immortalitati satis vixerit, non  
satis Ecclesiæ, parum Reipublicæ vixisse vide-  
retur. Iuit ille per omnes honorum gradus, &  
grauissimis Reipub. temporibus, comi & affa-  
bili



bili sermone militares motus composuit, gestis-  
que magnis Magistratibus, in summo fasti-  
gio honoris positus, hoc apud omnem posteri-  
tatem meruit, ut eius virtutem, & ex virtute  
laudem venturis sæculis commendemus. Hæc  
est, ex qua prodijt Illustrissimus Andreas GEM-  
BICKI, Luceorientis Episcopus, cuius animus  
eâ diuinitate præditus est, ut in eo, tanquam  
in speculo quodam, virtutum omnium orna-  
menta appareant, cæteri que Atistites ea sine in-  
uidia suspicere, cum benevolentia amare, cum  
veritate laudare debeant. Ille, inquam, Illustris-  
simus Andreas GEMBICKI, qui in magna toti-  
us Academiae trepitatione, cum actum de lite-  
raria immunitate, conclamatum de nobis vi-  
deretur, se, quasi pacis & felicitatis Academi-  
cæ vadem ac sponsores, interposuit. Hæc est,  
ex qua prodijt Illustrissimus Palatinus Lanci-  
tiæ: in quo grauitatem cum felicitate, Maiesta-  
tem cum modestia, dignitatem cum simplici-  
tate coniunctam, suspicimus vniuersi. Tanta  
profectò in eo virtutum omnium reperitur cla-  
ritas, ut illum aspernari nemo velit, tanta boni-  
tas,



tas, vt odisse nemò possit. Hæc est, ex qua pro-  
diit Reuerendissimus Ioannes GEMBICKI, Præ-  
positus Miechouienfis, qui in partem sollicitu-  
dinis Tuæ, Antistes Illustrissime, vocatus, nul-  
lius periculi terrore, non vano metu, non ina-  
nibus minis, de gradu magnanimitatis potuit  
vnquam dimoueri. Qui honorificam in Rep-  
& Ecclesia stationem, in qua illum opinio quæ-  
dam insignium virtutum collocauit, non nisi  
cum vita existimat relinquendam. Hæc est, quæ  
in numeros ferè alios suppeditaui, qui virtu-  
tibus suis, quasi alis sublimibus, in altissimos  
proiecti honores, ita sensim in animos irrepse-  
runt omnium, vt eos in oculis tota Respub. fe-  
rat, in delicijs Rex Serenissimus habeat vni-  
uersos. Quanquam non est mea mens eos si-  
gillatim percurrere, quorum virtutes in im-  
mortalitatis templo iam descriptas, nulla inge-  
nia satis vnquam exprimere poterunt, aut ad-  
mirari. Itaque ad institutum Orationis meæ  
accedo, & Zelum in propagando cælesti cultu,  
quem vitæ Tuæ, Antistes Illustrissime, voluisti  
esse fundamentum, meæ fundamentum con-  
sti-



stituam Orationis. Verè enim ille es, quem,  
ita Diuini cultûs propagandi studio inflamma-  
tum cognouimus, vt vna Religionis Orthodo-  
xæ in Tuo animo cura, curas cæteras aut post  
posuisse, aut amouisse omnino videbatur. Tu,  
in Sacrosanctis huius Prouinciæ Conci-  
lijs sollicitè operam impendebas, ne impij ali-  
quando ea, quæ Maiores nostri Religionibus  
nobis tuta, & Sancta esse voluerunt, contra Re-  
ligionem Orthodoxam labefactent. Tu, in flo-  
rentissimo illo Regni Areopago, viros Religi-  
osos, magnis difficultatibus affectos, atq; affli-  
ctos partim in fidem Tuam suscepisti, partim  
illæsos conseruâsti; partim implorantes iura  
immunitatum ornâsti; vt optimo iure Sacro-  
rum virorum delictum merueris appellari. Tu,  
in florentissima hac Diœcesi, à morte aliquot  
Præsulum, tam feliciter administrationem sus-  
tinuisti, vt vim & iniuriam à rebus Ecclesiæ  
prohiberes: Orthodoxæ fidei puritatem, sta-  
tui Clericali honestatem, Ecclesiæ immunita-  
tem constitueres. Agedum autem, cum in No-  
bilissimam Præmissiensem Ecclesiam intrâsti,

B

quid



quid aggressus es, quid aliud perfecisti primò  
quàm vt Religio depressa erigeretur, derelicta  
resumeretur & in suas sedes postliminio redu-  
ceretur? Insurgebant vndiq; illi, qui suo San-  
ctissimi Spiritus Maiestatem cerebro metiun-  
tur; sed inter hos omnes Tuæ curæ & cogitati-  
ones peruigilabant, vt populos illos eiusdem  
Sacro Religionis vinculo deuinceres. Detona-  
bant illi, qui in eodem turribulo ignem Sac-  
rum & Prophanum imponere non verentur;  
sed in eorū conatu reprimendo, vigilantia Tua  
vsque adeò omnem laudem occupauerat, vt  
nemo vnquam non dico superauisse, sed nec  
par Tibi fuisse videretur. Ita in densissima  
quadam status, reique penè desperatæ caligi-  
ne, lucem nouam Orthodoxis exoriri fecisti,  
eorum salutem, atque vitam Tua beneuolentiâ,  
præsidio, custodiâque texisti felicissimè Ita  
ostendisti, non deesse Romanæ Ecclesiæ, quæ  
Magistra orbis est, Antistites, qui pastoritiâ vi-  
gilantiâ superbam audaciam eorum, qui à ve-  
rò dogmate deuij, & alieni sunt, reprimerent.  
Gestiebat Tuo tanto Religionis amplificandæ  
ardo.



ardore Præmissa : voluptatem sensu quodam  
ædes sacræ percipiebant : Vniuersa Russia,  
quem admirari Antistitem suum tantum pote-  
rat, totum tamen conabatur amplecti. Vides,  
Antistes Illustrissime, latissimum hoc loco mi-  
hi ad dicendum aperiri campum, sed nolo hîc  
prolixâ oratione de tam incredibili Tuo erga  
Religionem affectu differere : & nunc quoque  
ad prudentiam Tuam declarandam accedo.  
Non dicamus uerò, quòd in ætatis Tuæ imbe-  
cillitate, quâ plerique prætexunt otij cupidita-  
tem, partim domi, partim in Italia, in illo fera-  
cissimo eruditionis & sapientiæ fonte, eas vel  
maximè scientias Tibi comparare volueris,  
quæ essent multis aliquando profutu-  
ræ : Tacemus, neminem esse, qui Te de rebus  
grauissimis differente, non sileat : qui & vim  
in inueniando, & acumen in iudicando, & co-  
piam suauem, cum summa grauitate coniu-  
ctam in dicendo non admiretur. Missum faci-  
amus, quòd Te Illustrissimus Patruus Tuus,  
non modò sibi præsentem habere, sed etiam  
curarum suarum socium, & adiutorem adiun-  
gere



gere voluerit; cū vidisset, ipsos etiam casus  
euentusque rerum, non duces, sed comites  
consiliorum Tuorum fuisse. Sileamus, quod  
ad Paulum V. Supremum Ecclesiæ Catholicæ  
arbitrum, missus omnia & consilio rexeris, &  
integritate tuitus sis, & virtute confeceris, vt  
ciuium huius Regni pectoribus infixus, nouo  
quotidie desiderio effloresceres animorum.  
Illam suspiciamus excelsam mentem, illud fir-  
mum iudicium, illam erectam in omnem par-  
tem prouidentiam, illam circumspectam in-  
dustriam, quam in conspectu Serenissimorum  
Regum, & Imperatorum ostendisti non ad e-  
xigui temporis prædicationem, sed ad memo-  
riam posteritatis sempiternam. Sileant inte-  
rim alij Magistratus, & inprimis Maioris Séc-  
tarij munus, egregiam, & singlarem pru-  
dentiam Tuam ad omnem posteritatem (quæ  
in corruptiis, & sine affectu iudicabit) com-  
mendet gloriose. Quid dicet? Te non fortuito  
Ciuium consensu, non insperato aliquo fa-  
voris euentu, aut inconsulto aliquo & subito  
animorum impetu, sed insigni prudentiâ, variâ



casus intimâque doctrinâ, eam in Répub. adijſſe di-  
gnitatem. In hac autem nihil ita fuiſſe arca-  
num, quod Tu non penetrares; nihil accidere  
potuiſſe, quin ipſe ſagaciſſimo ingenio præui-  
deres, & prudentiſſimè de eo ſtatueres. Ita per-  
ſpicax eras, ita omnium inſidiarum tenebras  
diſcutiebas, ita conſiliorum arcanorum cæ-  
ligines euoluebas, vt nec plura à Te ſperari, nec  
faciliùs ſpei omnium Ciuium responderi pote-  
rat. Quanquam quid in munere Secretarij Tu-  
am prudentiam admiror, quam in maioribus  
Magiſtratibus omnis loquetur poſteritas, &  
inuſitatis laudibus cumulabit? Opus eſt autem,  
Antiſtes Illuſtriſſime, vt ſi agnoſcere prædenti-  
am hanc Tuam velimus, intueamur paulis per-  
Germaniam, olim ſanè cæterarum rerum flo-  
rentiſſimam, vna in re paulò minùs felicem,  
quæ ambulatoriam illam Religionem, cupi-  
diſſimè amplexa fuerit. Ponamus nobis ante  
oculos Rebellium exercitum in funeribus Ger-  
maniæ, in cineribus & fauilla Imperij Roma-  
ni tripudiantem. Reuocemus nobis in memo-  
riam Septemtrionalem illam peſtem, ſuperba



contentione, ad immodestum illud Europæ  
Imperium, nisi superi immani voto desint,  
grassantem, atque innitentem. Consideremus  
etiam Ferdinandum Secundum, laceffantibus  
vlionem reposuisse; ne forte vis incendij altis-  
simè patens, lateque diffusa, cuncta pariter va-  
staret, eademque insigni clade vicinæ regiones  
absumerentur. Conijcebantur iam ab vtraq;  
parte infestæ illæ, ac funeste faces in pulcherri-  
mas domos, infantium ploratu, mulierum in-  
genti lamentatione, terribili exercituum cla-  
more, omnia personabant. Quid ergo? suâ in-  
teresse Rex noster, gentium Arbiter, & publi-  
cæ securitatis vindex, VLADISLAVS IV. ar-  
bitratus est, dum vicina omnia hostili flammâ  
relucere, vt, tempestiuâ celeritate, deflagra-  
tionis impetus restingeretur. Sed quali tan-  
dem viro opus fuit, qui pestem illam in venis &  
visceribus Germaniæ inclusam, autoritate  
tanti Regis in perpetuum comprimeret? odio,  
inimicitiaque flagrantem coniungeret? furentes  
mitigaret? Profectò tali, cuius virtus omnibus  
\* armis odijsque maior esset, qui suâ dexteritate  
dis-



dissipata componeret, suo consilio iacentia  
erigeret, suâ prudentiâ oppressa restauraret.  
Neque verò Regi prudentissimo, inter mul-  
tos felices solertiæ viros, diu quærendus erat,  
quem consiliorum suorum interpretem desi-  
gnaret; sed legendus eras, qui non ex muneris  
magnitudine decus Tibi expeteres, sed ipse  
muneri cumulatissimè adferres. Iuisti itaque  
Optimi Regis gratosus, canâ & graui consili-  
orum maturitate insignis, iudicio acri & re-  
cto, animo ad omnia summa parato, sermone  
facundus Orator. Cùm verò dicendi potestas  
facta, disertè & copiosè egisti: miserari Sere-  
nissimum Regem tantarum cladum, vtrinq;  
datarum & acceptarum: proinde, quæ pietas  
principis Christiani sit, optare se, vt ex diutur-  
na calamitate Germania in antiquum decus,  
restitueretur. Obsecrasti Cæsaream Maiesta-  
tem, vellet afflictæ Germaniæ munus pacis in-  
dulgere, honestas communis otij leges non ab-  
nuere. Satis sibi gloriæ partum cogitaret: nec  
Cæsare dignum esse à prostrato triumphos pe-  
tere: honestum semper bellorum fore occa-  
sum.

sum reputaret, si idem veniæ locus esset, qui fuerat offensæ. Consideraret, habere in se bella, cum alia plurima mala, tum illud imprimis, quod infinitam aperiat grassandi licentiam: periculosum esse irasci, tam publico vitio, tutiusq; semper esse suffundere sanguinem, quam effundere. His Consilijs tales dicendi neruos adhibuisti; vt Cæsareæ Maiestatis animum, diuturnis hostium offensionibus exulceratum, suauitate orationis lenires, mitigares, & propè exarmares. Et hæc Tua feliciter agendi cum potentissimo Principe dexteritas, ita infederat in animo eius, vt sæpius prædicaret Tuam incredibilem sagacitatem, admirabilem industriam, diuinam propemodum persuadendi facilitatem & felicitatem. Quo elogio tanti Imperatoris, nihil potest Tibi Illustrius esse ad famam, nihil Tuis iucundius ad domesticam dignitatem, nihil elegantius ad hominum existimationem. Quid? quod non solùm Imperatorem Sacratissimum, sed etiam duces belli, adiisti: vt non tantum victricibus armis Ciues contra externos hostes defenderent, sed etiam sa-

luta-



lutaribus legibus ab internis discordijs conser-  
uarent: populi salutem, & Imperij fortunam  
non prælijs tantum, sed alijs longè rebus con-  
tineri. Atque utinam tunc Tua prudentia con-  
siliūque valuisset, iam hodie non solum vñ  
actum, sed totam fabulam confectam videre-  
mus: homines tam acerbè, tamque crudelitèr  
vexati & afflicti, liberi essent: Germania non  
tot duces & exercitus amisisset. Sed quoniam  
reperiri neminem arbitror, qui non Tuam con-  
siliorum, & iudicij gravitatem animaduertat,  
consultò multa prætereo, & in his adhibeat  
modum Oratio, in quibus Tu modum non ser-  
uasti. Non dico, quòd Procancellarius calami-  
torum hominum querelis ita sine collega  
satifeceris, ut recedentes à Tuo conspectu, ca-  
lamitatis suæ meminisse amplius non videren-  
tur. Fuit id summæ profectò prudentiæ. Non  
commemoro, quòd Cancellarius inter grauis-  
simas illas, & non rarò exorientes tempestates,  
affectuum dissidentium æstus insigni modera-  
tione composueris. Quid fieri potuit à Te pru-  
dentius? Non recensebo, quòd Academia hu-

ius libertatem conseruare, rei literariæ pacem,  
otium, securitatem præstare volueris. Quid so-  
lertius efficere vnquam potuisti? Non refero,  
nullam Te remprobendam suscepisse, quam  
non dilucidè demonstrares, nullam improban-  
dam, quam non ex hominum opinione ita e-  
uelleres, vt ibi nihil cæteri auderent, vbi vel  
vnuseffes. Tanta in Te vis ingenij, tantaque  
mentis acutissimæ subtilitas reperiatur...  
Non commemoro, quòd difficultates, ante-  
quam orirentur, præuideres, & easdem sum-  
mo iudicio dissolueres. Tam celeres ingenij  
habebas motus. Hoc ad sempiternam nomi-  
nis Tui gloriam dico, nullum à Te consilium  
in publicis negotijs, vt Cancellarij prætermis-  
sum, nullam dexteritatem in periculis arcen-  
dis, vt Præfulis boni desideratam, nullam fidem  
& grauitatem, vt Ciuis boni requisitam fuisse.  
Audieras, Antistes Illustrissime, sapientissimos  
homines, sic de gloria statuere, eam verè glori-  
am esse, quæ maximorum in omne hominum  
genus meritorum commendatione, ad poste-  
riorum memoriam nomen nostrum propaga-  
ret.



ret. Cùm autem omnibus ita statuendum esse,  
sibi de omnibus, quòad eius fieri posset, benè  
merendum, tùm id multò magis ab illo expe-  
ctari, æquum esse, qui illud diuinitus haberet,  
quo longè præclariùs, quàm cæteri, consulare  
rebus humanis posset. Verumtamen dum tan-  
tæ prudentiæ monumenta colligo, oberrant  
oculis insignia charitatis Tuæ in Patriam ar-  
gumenta: quorum tanta est multitudo, vt in il-  
lis enumerandis Attica etiam diues eloquen-  
tia, non dico mea infantia facilè contitescat.  
Credo me intueri, Antistes Illustrissime, Bory-  
sthenem: puto me videre Prusiam: constituo  
me in littore Maris Balthici, & exercitum Sue-  
ticum circumspicio: penetro etiam cogitatio-  
ne Nestrum, & crudelem Abassi Bassam,  
perpendo. Hæc sunt illa loca, in qui-  
bus singularem, & verè raram in Patri-  
am caritatem reliquisti? Hæc sunt illa mo-  
numenta pietatis Tuæ, vbi virtus immortalita-  
tem Tibi conciliare videtur. Obtulisti ad Bo-  
rysthenem animum Tuum, ad fortunam v-  
tramque sustinendam non imparatum, vt non

tam Tuis commoditatibus quàm Reipub.  
& Ciuium necessitatibus seruire videreris. Fu-  
isti non tantùm spectator & testis periculo-  
rum, sed etiam socius & particeps, quæ ab ho-  
stibus expectandæ erant, & temporis in commo-  
ditate, aduersitatum. Non te prærupta monti-  
um, non vligines conuallium, non fluminum  
incrementa, non hyemes nocituræ abduxe-  
runt, quo minùs Te, & Fratrem Tuum, pro Pa-  
triæ incolumitate, in ardentibus globos offerres;  
de periculo certo parum admodum sollicitus,  
modò iustissimam Reipub. causam Tuis labo-  
ribus assereres. Neque solùm Te cum Fratre  
pro Patria in apertum obtulisti periculum, sed  
Nepotes etiam duxisti Tecum, vt eadam fami-  
lia totam se paratiùs, quasi victimam pro Re-  
pub. in mucrones hostium proijceret, vt rebus  
communiter gestis, penè simul Tecum amplif-  
simis honoribus fruerentur. Olim cùm Itali-  
am Galli Senones inuasissent, cùm totius belli  
impetus ad Romanorum mænia constitisset,  
extiterunt Manlij Camilli que, qui Patriam ab  
eorum crudelitate ita vindicârunt, vt eorum  
ipso-



Reipub. ipforum sanguine redundaret. Cùm Annibal,  
is. Fu- Italiæ fulmen, penè vltimum imperio vulnus,  
iculo- attulisset, reperti sunt Scipiones, Fabricij, Mar-  
ab ho- celli, qui Annibalem vinci posse docuerunt, &  
mmo- vicerunt. Sed & Vos, Illustrissimi GEMBIGII,  
onti- eorum fortitudinem, consilio Magni huius  
inum Antistitis, ita imitati estis, vt quanquam nullis  
duxe- auitæ gloriæ monumentis niteremini, vestrà  
ro Pa- vos virtute tamen ad summam amplitudinem  
erres; nominis, omnes existimarent peruenturos. Illi  
citus, Moschi, illi rebelles, Diuinæ humanæq; Ma-  
labo- iestatis rei, cùm nuper armis & bellico appa-  
ratre ratu instructissimi, in fines nostros sese effudis-  
n, sed sent, ostendistis, non deesse Reipublicæ nostræ  
fami- Ciues, qui omnia Ornamenta honoris, moni-  
Re- menta gloriæ, insignia laudis in salute Reipub.  
rebus defendenda condi, & collocari vellent. Osten-  
mplif- distis Serenissimum Regem milites habere, qui  
Itali- omnes acerbitates, omnes dolores, cruciatusq;  
belli non solum fortiter, sed etiam libenter perfer-  
risset, & armati in hostium manum multitudi-  
m ab nemq; se immittere non dubitarent. Sed omit-  
orum tam de vobis dicere, quorum magna dignitas  
ipso- vel

velexinde accessit, quòd à tanto Patruo campus vobos datus fuerit, in quo excurrere virtus vestra cognosci que posset: videamus iterum Illustrissimum Antistitem nostrum. Quid verò licam, Antistes Illustrissime, quòd in Prussia animum Tuum, in Rempub. inclinatissimum, ita ostenderis, vt à Te maiorum omnium gloriam aut superatam, aut certè æquatam esse, omnes sint confelsi. Delegerat Te Serenissimus Rex, cuius præstanti & eximiæ virtuti, iam toties perspectæ & exploratæ, spem suam, & patriæ vniuersæ fata commendaret; Tu Principis iudicium virtute Tuâ confirmâsti, & Tuum laborem Prussiae periculis subleuandis impertijsti. Intereras frequentissimè pactionibus illis, & fœderibus, & eorum, qui à parte hostili erant, mentes permouebas, spe atque animis inflatos duces, concitatum exercitum flectebas. Admonebas, vt essent memores religionis, non cōtrauenirent Sacramento, quo se Diuo Sigismundo III. obstrinxissent quin potius, sanarent offensas officijs, componerent animos ad obsequium, ad reuerentiam, ad no-



12  
xarum deprecationem. Quanta verò mihi se-  
se charitatis in Patriam monumenta aperient,  
si Tuos ad latus Serenissimi Regis, cum contra  
exsecutum illum Abassi Bassam exercitum du-  
ceret, susceptos anxios anticipitesq; labores per-  
lustrare velim? Nihil hic non præclarum, nihil  
non sublime & excelsum, nihil non magis,  
imò ter maximi cognomine dignissimum re-  
periemus. Vt hostium castra feliciter aliquan-  
dò adoriretur, pugna non rudis Imperator,  
Diomedes, Vlysses cautum & prudentem, eius  
laudis sibi adsciuit socium: cum in bello auxi-  
lium & consilium, mens & manus, animus &  
gladius requirantur. Ita Potentissimus Rex  
noster, frangendis Turcarum machinationi-  
bus, Tuâ prudentiâ & consilio uti volebat, ut  
scilicet eorum vis (si ad arma ventum fuisset)  
& fortitudine armorum comprimeretur, &  
cogitata nefaria, Tuis prudentissimis elude-  
rentur consilijs. Quam in re quanto studio natu-  
ræ Tuæ consuetudiniq; servire voluisti, testis  
est Serenissimus Rex, qui virtutem Tuam, &  
animi in Rempub. propensionem extulit, cum

re-

rerum à Te gestarum, non solùm spectator, sed  
æstimator etiam & exornator fuerit. O Ciuem  
natum Reipub. memorem sui nominis, imita-  
toremque maiorum! Quotus quisq; inueni-  
tur tam immortalī virtute præditus vir, qui e-  
xemplo bonorum Ciuium, solius honestatis  
excellentiā contentus, labores, & vitam suam  
in salute Reipub. collocauit? Qui in Patria or-  
nanda solidam laudem, veramq; gloriam que-  
sierit. Illud facere pietatis: hoc sentire pruden-  
tiæ, & sentire verò, & facere perfectæ cumula-  
tæque virtutis. Non est autem ingenij mei,  
Antistes Illustrissime, non est huius iudicij, &  
iuuenilis eloquentiæ, omnes virtutes Tuas, &  
præclara in Rempub. merita non dico ornare  
dicendo, sed enumerando percensere. Et iam  
mihi (fatebor enim) accidit, vt quemadmo-  
dum qui oculorum aciem in solem intendunt,  
illius splendoris vim, & magnitudinem perfer-  
re non possunt: ita quamdiu in Tuarum lau-  
dum splendorem & lucem intueor, penitus  
mihi mentis aciem perstringit. Quid ergo?  
vbi exultare Orationis facultate, & copiā de-  
be-



berem, numquid reticebo? Ad quem exitum  
Orationem meam perducam, mihi non con-  
stabit? Sed est Tuarum, Antistes Illustrissime,  
magnitudo virtutum, quæ ut omne ingenium  
& iudicium superat: ita omnem in dicendo v-  
bertatem, omnem verborum copiam exarc-  
scere facit. Sed non possim amplius, appeller  
tardus, indisertus, atque non satis ab arte in-  
structus, certè parum in Te, aut Tuo honore  
colendo officiosus appellari nolo. Quanquam  
ò utinam aut hic omnes disertissimi Oratores,  
aut ipsa è sedibus suis excitata Nobilissima  
Cracouiensis Diœcesis adesset, & in hoc sui  
Antistitis, & uigilantissimi Pastoris conspectu  
consistens, aliquam sui vocem amoris aperiret.  
Ita diceret opinor: ô me felicem, ac beatam  
Diœcesim ô me fortunatissimâ Ecclesiâ! Quid  
est tandè, in quo mihi felicitatem maiorem à  
DEO Opt. Max. Summo illo cæli domitatore,  
pre cari debeam? Habeant aliæ Diœceses suos  
Antistites, hos omnes incredibili Religionis  
propagandæ studio vincit Antistes meus. Ia-  
ctent aliæ prudentissimos quosque, & Excel-

D

len.

lentissimis ingenijs Senatores, hos longo post  
se interuallo prudentissimus Antistes meus re-  
linquit. Glorientur aliæ suorum Antistitum  
singulari in Patriam caritate; illæ tamen An-  
tistitem meum admirari coguntur. Pro Reli-  
gione & Deo impensè semper sollicitus fuit:  
egregiam & singularem in salute publica de-  
fendenda fidem & constantiam adhibuit: ma-  
turâ prudentiâ patriam maximis periculis libe-  
rauit: in Potentissimorum Principum animos  
gravi & plenâ dignitatis dicendi facultate pe-  
netrauit. Extremum itaq; illud est, vt orem ob-  
testerq; Te, qui omniû eorum mentes, qui Ec-  
clesiam, Sponsam Tuam gubernant, maximè  
perspicias, vt Illustrissimò Antistiti nostro, cæle-  
stes mittas exercitus, qui ipsius salutem tueâtur,  
& ab illo, quolibet momento omnem imperiũ,  
atq; furorẽ propulsent. Vt Orthodoxa Religio,  
extot tantisq; fluctibus & procellis Antistitis  
Nostri pietate, in optimum & tranquillũ por-  
tam iam inuenta, pace, cum immortali Illu-  
strissimi Antistitis gloria diutissimi  
perfruatur.

D I X I.



# APPLAVSVS

Quos in auspiciatissimum

*Illustrissimi ac Reuerendissimi Domini,*

D. P E T R I  
G E M B I C K I

EPISCOPI CRACOVIAN:

Ducis Seueriæ,

Academiae Cancellarij

Amplissimi.

AD CATHEDRALEM ECCLESIAM  
I N G R E S S V M.

Pleno debitæ obseruantia ac deuotionis  
animo effudit.

M. SAMVEL CASIMIRVS KVSZEWICZ,  
*Collega Minor. Contub. Hieros. Senior.*

In Fasciam Illustrissimi Gentilitiam.



Inter caelestes spectatur Circulus ignes  
(Magni clara Iouis lumine Zona micans)  
Circulus in terris perfectior anteit omnes  
Et superat formis. vanus an augur ego?  
Antistes virtute sua super eminet unus  
In terris: tandem lux erit alma polo.





## APPLAVSVS.

Vnde repentino fremuerunt viscera motu?  
Cur tuba latifico canit alta choreumata flatu?  
Perq̃ vias cur plectra sonant? cur congrua votis  
Gaudia patricos miscent popularia plausus?  
Fallimur? Ingreditur faustis successibus urbem  
Cracigenum Antistes, decus immortale Senatus:  
Non facile emineat, cui sese aut praeferat alter  
Religione, fide, merit'is, & moribus aquis.  
Sic ubi Memnonio roseus de gurgite Phœbus  
Igniuomos educit equos, terrisq̃ reportat  
Vix satis excusso rorantem lampada ponto,  
Blanda serenati ridet clementia cæli:  
Fallimur? En magni procures, nec sanguinis ortu  
Degeneres, Proauum pulchro splendore corusci  
GEMBICIA de gente, latus cinxere frequentes  
Præsulis, & longâ serie comitantur euntem.

*Haud secus Assyrius rediuiuo funere Phœnix  
Auroræ ad populos veniens, cunabula secum  
Fert humero, & quacunq̃ citis ad remigat alis.  
Indigenæ stipantur aues, per inania vectæ.  
Fallimur? En surgunt iam pulso sacula ferro  
Aurea Cracigenis: ceu cū Saturnus Olympo  
Venit ab ætherio, fugiens scelerata furentis  
Arma Iouis, duroq̃ homines è robore natos  
Composuit, vitæ ducens melioris in vsus.  
Fallimur? En Diuina phalanx secat àëra pennis,  
Istule amq̃ petens urbem descendit ab alto  
Militiæ caelestis honos, expletq̃ suâui,  
Nescio quâ, præter solitum, dulcedine mentes.  
Crediderim Zephyrum tacito per prata susurro  
Concusisse nouo facundas nectare pennas,  
Et posito flatu nemus irrorâsse quietum.  
Crediderim volucres, fidium dulcedine victas,  
Oblitas toto meditatum tempore brumæ  
Carmen, ad insuetos tenuisse silentia cantus.  
Prospera lux oritur, melioribus edita fatis,  
Quâ Superi pleno cumulârunt nostra fauore  
Gaudia, successusque novos successibus addunt.  
Plaudite, Lechiadæ, Berecinthia sistra per auras  
Atq̃*



Atq; Githoriaci crispata foramina Buxi  
Festiuo hoc gemenet resonantia gaudia cantu.  
Cracigenum sacras, Praesul, conscende Curules:  
Quò laudum se tollit apex: Tu gente vetustâ  
Progenitus, referes Proanos Atanosq; potentes.  
Quis locus est Patriæ? patriusque diffita tectis  
Est adeo regio? quò non penetrauerit ingens  
Gentis Honos vestrae? De qua tot fulmina belli,  
Tot fomenta togæ, tot splendida sidera miris  
Emicuere modis, quot vernâ Delius aurâ  
Spargitur in radios, ubi formosissimus annum  
Explicat, aurifluisq; rigat splendoribus orbem.  
Aut quot ceruleæ gremium conspergere Matris  
Hesper amat facibus, cum Sol concesserit astris,  
Cum Phæbe bifida scintillans lumine frontis  
Urget iter curruq; volans dat lora secundo,  
Et Hellas radiis longè inter fulgurat omnes.  
Hinc olim prodijt Magnus Laurentius, ille  
Sarmatiae Princeps, quo Gnesna vetusta superbit,  
Flos veterum, virtusq; virum. Qui iurgia plebis,  
Euitare sagax facili sermone mederi,  
Ciuilesq; minas poterat componere dictis.  
Haud aliter tumidum cum surgere Nerea cernit  
Nauis.

*Nauita, & Aëliis turgescent aquora flabris,  
Jamq; ratim subeunt fluctus, ille impiger Arcton  
Parrhasiam cernit, fallens ludibria ponti.  
Hinc etiam veterum titulis illustris Auorum  
Andreas faustè venit, quo Præsule in uno  
Volhyniæ stat tuta salus, nec fæda triumphant  
Schismata, sanguineis nunquam sacitata fluentis.  
Hoc duce Barbaries omnis, doctisq; fugatus  
Exulat error agris, etasq; disert a patentem  
Ingeniis aperit campum, Musisq; decorem  
Aonijs celsò deductis vertice montis  
Restituit reparatq; artes meliore metallo.  
Nam, velut immensas lampas Phæbeia terras  
Illustrat pariterq; fouet, lumenq; coruscum.  
Vtilitate probat: titulis illustribus addit  
Doctrinæ monumenta suæ: quas diligit artes  
Ipse fouet sociatq; suis, tot commoda curis.  
Hos alter sequitur, (cuius Micæhonîa fasces  
Agnosci:,) pulchrum fidei, virtutis auitæ  
Exemplum: vitæ decus, atq; imitamen honestæ.  
Per varias ijt ille plagas, studiijq; labores  
Emensus, claro in Patria resplendet honore,  
Illustrique volat celebri super æthera famâ*

*non*



Non tam sparsa gerens venerandis tempora canis  
Quàm matura animi canus virtute sagacis  
Quì memorē Magnū (quo prisca Lēcici gaudet)  
Ritē Palatinum? cuius prudentia magnis  
In patria claret rebus, multosq; per annos  
Non alto simulata gradu, non improba gestu,  
Sed clara ingenio, & magnis virtutibus aucta,  
Nobilitas spectata viget, semperq; per urbes  
Fbit, & hunc meruit generosum pectus honorem.  
Quì memorem Natos? qui clarā luce refulgent,  
Sicut in Occiduo rutili splendore Triones  
Nocte micant purā Cali inter signa sereni  
Tarda Lycaonius quā versat plaustra Bootes.  
Pro templis Arisq; sacris, hos Moschua nuper  
Udit & obstupuit. Veluti Massylus in aruis  
Stat Leo firmatus, densisq; horrentia villis  
Colla quatit, nixusq; solūm cauat unguibus, & quā  
Nescit adhuc, prædę impatiēs tamē ardet amore  
Magna Palatini soboles sic laudis auitæ  
Exuperare modum, magnāq; cupidine fertur  
Bella sequi. Rutilos Clypei septemplex Orbes  
Crissata sq; iubas video: filoq; trilici  
Loricam intextam, ferroq; hostile minaci  
Tutamen Patria, Dignē quis carmina toti

*Sufficiat Generi? Non si Phocæa canoris  
Stagna refusa vadis penitus Latoia pandat  
Progenies, connixa humeris: & sicca perenni  
Irriget undarum facilis præcordia lapsu,  
Exæquata pijs modulentur plectra Dynastis,  
Prospera lux oritur melioribus edita fatis:  
Quæ superi pleno cumulârunt nostra favore  
Gaudia, succesusque novos successibus addunt.  
Plaudite, Lechiada, Berecinthia sistra per auras  
Atq; Cithoriaci crispata foramina Buxi  
Festiuo hoc gement resonantia gaudia canu.  
Cracigenum sacras, Præsul, conscende Curules:  
Terogat altus honos. Tu primo in limine vitæ  
Inuigilas studijs, studijs Te inuoluis, & ardes,  
Omnia vestigans rerum cognoscere causas,  
Quæque oculos fugiunt celeri percurrere mente.  
Tu vigili excitus studio, gra'oque labore  
Dulciter allectus, veterum monumenta virorum  
Et sapientum artes, doctrinarumque reperta.  
Excutis atque epibus mentem melioribus ornas.  
Sic volucrum princeps oculis nutantibus ales,  
Non patiens corpus claudic aligine, postquam  
Mole suâ testa signata repagula fegit  
Sponte suâ Eoos se se conuertit ad ortus.*

*At*



At postquam teneræ flauentia signa iuuentæ  
Irrepserē genis, & festinata serēne  
Vmbra cadit, genitale solum, terrasq; Polonas  
Despicias. Auspicio fausto transgressus at Alpes,  
Vndinagos cernis Venetos, atque Appula rura  
Et sedes Pataui, Magniq; Antenoris arces  
Expendis seriò: sacras diffusa per artes  
(O rarum seræq; decus mcmorabile fama)  
Irrequieta Tuos virtus exsuscitat ignes.  
Quippe velut viridis nemorū noua gloria, palma.  
Fertilis irrigo quam profert ubere tellus  
Sol firmat, flabrisque fouent clémentibus aura  
Tollit se calo, & sperata prodiga frugis  
Brachia decliuis fructus cum floribus aequat:  
Sic (liceat nam Te palma componere) letis  
Auctibus assurgis, & quæ via proxima calo,  
Virtutum omnigeno variarum flore renides.  
Sed reliquas inter dotes, & quæ Tibi largâ  
Munera Dij tribuere manu, pars maxima tantæ  
Laudis erat, mores niuei, blandusque serēne  
Frōtis honos, tacitusq; pudor: tūm parca loquela  
Temperies, æquo cunctis se fœdere iungens.  
Talibus at postquam benè confirmatus adisti  
Antiquas Latij sedes, claramq; subisti.

Semi Deum Patriam, ac Tyberini fluminis undas  
Et campos. ubi sancta Tibi delubra pateſcunt  
Aſtra aque fores, cum ſumma edicta Tonantis,  
Pontificum Sacras leges, Reſponſa Quiritum  
Perluſtras toties, varijs perplexa Meandris.  
Sic Leo, Marmaricis quem nutrit Aſrica ſylvis  
Cum, linquēs propriū, catulis comitatibus, antrū  
Exit, in acceſſos quouis ſub climate colles  
Permeat, & lathi contemptor, opaca ferarum  
Perluſtrat vigilans, pradeque ferociter inſtat.  
Sed iam maiorum ſubeunt molimina rerum,  
Immenſumq; aperitur opus. Nam ſedere dextro  
Externis veniens tandem peregrinus ab oris,  
Vibrāſti rutilum rediituo lumine fulgur  
Illustrans natale ſolum. Sic mane recenti  
Exoriens radiat rubicundo è gurgite Phabus,  
Dum ſtringit Geticū radijs flammantibus Hemū;  
Ignum omāſq; rotas ſolito rutilantior vrgens  
Fert lucem meliore comā, flammamq; vomentes  
Clarior aurifluo iungit temone iugales.  
Hospite Te ſubitò latata Polonia tanto,  
Expansis reduci procedit in oſcula palmis,  
Gaudia mutato prodens non parua colore  
Acceleratq; oculos ſacro deſigere vultu.

Ante



Ante alios omnes prensat Te Patruus :vnum  
Suspicit in dubijs rebus tutamen, & arctis,  
Admittens socium cura, sociumque laboris;  
Non generis certè communia vincula spectans  
Sed mores animi niueos, cultumq; per artes  
Ingenium, doctosque sales, fandiq; lepores.  
Haud aliter fessus cum iam subduxit olympo  
Brachia, & effatis tremuit cernicibus Atlas,  
Maximus Alcides humeris nutantia fulsit  
Pondera, nec celi securius alta pependit  
Machina, nec tremulos expauit Iuppiter axes.  
O quantum letata suas Ecclesia lites  
Obuenisse Tibi: quantum Tua iura probauit  
Edita cum summam ferrent edicta quietem  
Hic ubi Lublini ingressus delutra Sacerdos  
Iura fori ratione geris, litesque malorum,  
Tam certâ integrâque fidequàm fixus in agris  
Terminus immoto, dirimis, confinia saxo.  
Ac veluti in media seruatus tempora bruxæ  
Flosculus, exacti reuocat noua gaudia veris:  
Sic priscum Sanctis renouabas moribus auum,  
Fædâq; vitabas impuri crimina seclî:  
Magnanimus cum pro sacris cultuque Deorum  
Contemptaq; Tui pro Religione Tonantis

*Insurgis, veri ante alios seruanti or omnes.  
Hic nec parta quies: non istud cura cacumen  
Obtinuit, viduata Tibi sacra munera mandat,  
Cracia, nec durum sentiscit mæsta laborem  
Postquam Pastores sauo confixerat arcu  
Mors fera, in humanis non nescia ludere rebus.  
Scilicet is fueras, animo qui fretus, & alto  
Consilio stygias poteras franare Phalangas:  
Tardus & ad pœnam dubijs, idem acer apertis  
Criminibus vindex, rigidus legumq; minister  
Componis fructus, tempestateq; sonoras.  
Qualiter equoreis prudens Palinurus in undis  
Assidet intrepidus clauo, torquetq; carinam,  
Et decimis subducit aquis: moderamine recto  
Non aliter Tu res conuulso cardine lapsas  
Vnus restituis. Sacrae reuerentia gliscit,  
Legis, & antiquos, Clerus formatur in usus.  
Assistunt comites lateri. Purissima regnat  
Religio, spargensq; rosas Patientia vernas  
Purpurat Astræque soror Clementia bellè  
Lilia nativo violarum interserit auro.  
Hanc Dea, celestis violati Numinis ultrix  
Magnanimum pectus loricâ accincta trilici  
Fulmineum dextrâ gladium, laeuque bilancem  
Æqua-*



*Æquali appendens trutinâ, comitatur euntem.  
Tempora cana Fides ligat immortalibus herbis:  
Nescia Spes curarum: & plenis Graviarum  
Latior: & placidam suadens Concordia pacem.  
Atque verecundis suffusa ruboribus ora (nores.  
Hinc Pudor, hinc Probitas, hinc Casta mentis Ho-  
Prospera lux oritur melioribus edita Fatis  
Quâ Superi pleno cumulârunt nostra favore  
Gaudia, successusq; novos successibus augent.  
Plaudite, Lechiade Berecithia sinistra per auras  
Atque Cithoriaci crispata foramina Buxi  
Festivo hoc gement resonantia gaudia carni.  
Cracigenum sacras, Præsul, conscende Curules  
Auspicijs faustis: cuius Germania vocem.  
Audiuit nuper, quando Legatus ab Orbe  
Sarmatico, responsa dabas Cyllenius alter.  
Quæ linguæ torrentis opes? Quo fulmine mentes  
Attrahis? Attoniti quàm prona silentia Martis?  
Siue triumphatos Ferdnandi Marte rebelles  
Prosequeris dictis: seu Te Gustave iacentem  
Comme norans, hominum mentes & corda regerat  
Tale fuit magnum, formidatumq; Philippo,  
Ambiguas in se quod traxit fulmen Athenas,  
Et quem fœdis fragus tremuit Catilina loquentem,*

*Et*

Et plus Pompeio formidat Caesar inermem.  
Has etiam stupuit, non ultima gloria gentis  
Austriacæ, Ferdnandus opes: nec dignius unquā  
Austria belligeros meminit dixisse Polonos. (belū  
Magna loquor; sed vera tamen · quippe Ister an-  
Continuit strepitum, veritus ne flumina, montes,  
Et sylvas doctæ traheret facundia lingua:  
Saxa mouere sono veluti testudinis olim -  
Dirceus potuit, Thebanæ conditor urbis,  
Duxit & aurium populum, quocunq; vocauit.  
At postquam his sensim auspicijs Tua viuida fama  
Ceperit excelso se tandem attollere caelo,  
Inter bellorum strepitus, sonitusq; tubarum,  
Iuisti, Proceres inter: velut æthere in alto  
Nocturnos rutilans præcedit Lucifer ignes  
Astrorumq; choros: tunc circumfusa sequuntur  
Sydera, & à tanto lumen sibi lumine spondent.  
Per Te Moscheæ restincta incendia flammæ:  
Constrictus furor: & fracti cecidère tumultus:  
Parta quies agris: paci mansuescere corda  
Moschorum incipiunt: & quamuis corde furentes  
Atque reluctantes, verum se agnoscere cogis  
Immanis veluti cū mbellu a vincula portans  
Ferreæ firma satis, quamuis fremit ore cruento

Et



Et crebro sat agit confringere vincula morsu,  
Perdurat ferrum tamen, & constricta tenetur  
Bellua, lassatoq; interdum dente quiescit.

Prospera lux oritur melioribus edita fatis:  
Quâ Superi pleno cumulârunt nostra favore  
Gaudia successusq; novos successibus augent.  
Plaudite, Lechiada, Berecithia sistra per auras.  
Atq; Cythoriaci crispata foramina Buxi  
Festiuo hoc gement resonantia gaudia cantu.  
Cracigenum Sacras, Prasul, conscende Curules:  
Terogat altus Honos. Tibi sacra munera Cera  
Commisit, primumq; toga mandauit Honorem  
Regis amor. quàm certa fides, quàm prouida cura  
Aut Tua qua fuerit claros spectata per actus  
Sedulitas, sensit Princeps, sensere Quirites.  
Nullis occultitur virtus generosa tenebris,  
Conspicuum fundens Pharos ut Nilotica lumen.  
Difficile iniectis ignem sopire fauillis,  
Intus viua volans prodit Scintilla latentem,  
Et sensim exortis vastat ramalia flammis.  
Non tamen aut placidos inuisa superbia mores  
Aut crescens subuertit honos. Non gratia Regis,  
Dissimilem facite esse sui: fastigia laudum  
De primis obsequijs, & quanto maior haberis,

Officijs cupis esse minor: virtutibus ornas  
Munera, dum plenis prostat Tua fama theatris  
Aeternum latura decus. Meruisse videmus  
Te iam Sacrorum fascēs: Premiſſia Mitra  
Magna decus sacroſq; Pedi decernit honores  
Latitiā præfuſa nimis. Te priſtina virtus  
Authore, externa ac pietas non indiga laudis  
Sed cenſu contenta ſuo, ſeſeque beata  
Reſpirat ſyncera Fides, veterumq; Parentum  
Dogmata de medijs tandem fulſere procellis.  
Taliter ambigua iam ſub conſinia lucis  
Tithoni Croceo ſurgens aurora cubili  
Purpurat orenitens, crinemq; repexa decoro  
Pectine palantes toto fugat aethere ſtellas  
Humentemq; polo noctis eliminat umbram.  
In Te perfectam virtutis ſydera lucem  
Semper monſtrabāt, & ſtricto Fascia nodo  
Signabat: Superi tantos populiq; nitores  
Vidēre, & tanto Te dignabantur honore,  
Formabantq; Tuis animos virtutibus omnes.  
Non ita conuerſinauis moderamine clauī  
Flectitur, ut populi pendent à Præſule mores:  
Non virga, legumq; minæ, tristesq; ſecures  
Sic animos hominum terrent formidine pœnæ

Vt



22  
Vt pulchra virtutis honos, moresq; modesti  
Praesulis, innocuae decus & reuerentia Mitra  
Conuertunt mentes ad honesta exempla sequaces.  
Sed quid ego audaci coner comprehendere versu  
Ingenio maiora meo? suscepta relinquam;  
Infirmi ne deficiant sub pondere vires.  
Nam prius Herculei torrentia sydera monstri  
Solstitio vicina domus, locaq; edita cali  
Diffundent terris hyemem glacialibus Euris:  
Ante & conspicui summo de cardine mundi  
Flana Lycaonio surget Pallantias axe,  
Atque diem auerso subternebet Auster Olympo,  
Stabunt & cali septem labentia signa  
Quam memorem dignè celeberrima Praesulis acta  
Laudibus aut meritis tollā, aut aequem ipse canēdo  
Vt si quis iubare exorto Phœbeia demens  
Ausit obire oculis ora, atque haurire videndo  
Illicet ecce illi torpescunt lumina, & ipsa  
Caligant in luce oculi: tum tempora circum  
Offundit sese nubes, & fumida oberrans  
Caligo, ac nigra calum eripuerē tenebra.

Prospera lux oritur melioribus edita fatis  
Quā Superi pleno cumulārunt nostra fauore  
Gaudia, successusq; novos successibus augent.

Plau.



Plaudite, Lechiada, Berecithia sistra per auras  
Atque Cythoriaci crispata foramina Buxi  
Festino hoc geminent resonantia gaudia cantu.  
Cræcigenum sacras, Præsul, conscende Curules  
Quò laudum se tollit apex. Te publica poscunt  
Vota urbis, famulas Tibi porrigit obuius vlnas  
Vandalus, aduentumq; Tuum benè vertit olympus  
Si locus at supere est, inter si Numina tanta  
Admittunt tenues communia gaudia Musas,  
Versibus incultis Academi turba Camænis  
Dedita, Te studijs Patronum & pacis adorat  
Authorem, populum probum, sedesque quietas  
Exoptat, longos & cum superaueris annos  
Iam Tibi promissam super aurea sydera vitam:  
Non tamen in celsum redeas nisi serus Olympum.  
Intersisque diu populo, quem moribus ornes,  
Præceptis formata Tuis ut sanctior ætas  
Surgat, & è ferro priscum mutetur in aurum.





iras

s

lnas

pus

m:

oum

Biblioteka Jagiellońska  
stdr0014342





